



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XV. Die Novembris.

urn:nbn:de:hbz:466:1-9625

XV. DIE NOVEMBRIS.

P. ROCHVS GONZA-
LEZ DE S. CRVCE.

15. Noueb.
Indus in
Paraquar.
1628. stat.
92. Soc. 19.

Fidel.

Cor.

Charitat.

B. V.

Hispano quidem ortu, sed natali solo in Paraquaria natus, & educatus est in Reductione Beatiss. Virg. Assumptæ, vt vocant. Varios istic populos mitigauit, & Christo subegit. In Vringaicam Prouinciam primus Christum intulit anno 1620. & primæ ibi coloniz, seu Reductioni, Immaculatę Conceptionis nomen dedit. Ipse barbaris mapalia concinabat, Rempubicam, & magistratus distinguebat; leges & agros dabat; communis omnium rusticus, agrarię œconomiz præfectus, Pater, magister, omnia. Quæstus est aliquando ad necem; cum autem non reperiretur, templum & crux diruta est. Etiam terram. Tapè lustrauit. Post sacrum celebratum, ab irruentibus coniuuratis bicubitali clauâ ligneam silice armatâ in P. Rochi caput vibratâ, eius cerebrum humi dispersum est, aliis alia vulnera certatim exaggerantibus & mox barbaro plausu orto. Inde ita vt erat quassatum caput resectum est. Quinquaginta tres barbari testes affirmant auditas cordis è pectore P. Rochi has voces: *Occidistis eum qui vos diligit: occidistis corpus meum; & ossa mea contriulistis: at non animam, quam iam inter Beatos versatur in Cælo. Multa vobis calamitates euenient ob mortem meam: quia venient filij mei pœnas repetituri, ob violatam Dei Matris imaginem.* At illi: *Hem præstigiator ille adhuc loquitur? Mox euulsum illi cor è pectore loqui desit. Cor in ignem vnâ cum teli cuspidè iniectum, combusto*

relo, integrum inuentum, & anno 1633. Romam perlatum est. Omitto ea quæ de iumento illius perscribuntur.

P. ALPHONSVS
RODRIGVEZ.

Innocens illi ad mortem vsque fuit ^{Hispanus} conscientiz sanctæ nitor; ingenium ^{ibid. Soc. 14.} literaturâ multâ instructum: sed oculi hebetes, à fufis crebrò lachrymis, cogitatis potissimum cruciatibus amantissimi Crucifixi. Cæso P. Rocho, ^{Oratio.} ignarus quid rerum turbaretur, Alphonsus prodiit; & non vno Indico acinace in capite saucius, in limine templi concidit victima fortunata. Et huius, & P. Rochi cadauera vulneribus cooperta, circa templum raptata, truncata, igni bis iniecta, vnâ cum eburneo altero & altero plumbeo Crucifixo. ^{Crucifixum.} Sed tam corpora quàm Cruci affixi Christi simulachra postridie integra inter cineres templi reperta sunt. Sacrificatis liber, & Beatissimæ Virgini ^{B. P.} Matris imago frustatim discerpta; ob quam cor P. Rochi eis, vt dixi, minitabundâ voce loqui auditum est.

P. ADRIANVS
MANGOTIVS.

IN Deiparæ cultum, & animarum ^{Belga Antuerpien.} studium effusè propensus fuit verbo, calamo, & exemplo. In extremâ, ^{Nou. 1614. stat. 76.} quâ memoriæ impos premebatur obliuione, patientia illius, pietas, charitas eluxere: id quod Antuerpiensis Domus de illo sic narrat in annuis: ^{Mirum}

Oblivio.

Mirum ei hoc accidit. Cum animo præsentissimus sibi esset, verborum aded non meminerat, vt ne nomen quidem proprium, nisi ab altero suggestum, proferre posset. In hac tanta tamen obliuione, ad solatium partim, partim ad exercitium virtutis Deo ita moderante obliuionis molestiâ mordicus tenuit, & in promptu semper habuit ferè hæc. Quoties rerum à se cum laude gestarum, aut librorum scriptorum mentionem facientes audiebat, ingeminabat; *miser sum*, quò gloriolæ se insinuantis titillationem excutiebat; quoties egritudinem quâ attinebatur miserantes, in signum voluntatis suæ cum diuina concordantis

opponebat; *Dominus est*: quoties contentiosius inter se nostros disputantes, ne limites transilirent charitatis, admonebat, *Fratres sumus*. Præter hæc vix audire verbum ex afflicto sene fuit, sed videre verba compensantem insigni sensu: soluebatur in lachrymas gaudij testes, si de populi concursu ad nos facto perceptisque à pluribus diuinis mysteriis audiebat memorantes: si lædi charitatem vel in minimo advertebat contrahebatur mœrore. Eundem suscipiebat, & prodebat pro paupertatis integritate sensum; eundem pro aliis virtutibus: sed mutus, vt dixi, & quasi elinguis memoriâ pertinaciter ei verba negante.

XVI. DIE NOVEMBRIS.

P. FERDINANDVS DE TOVAR.

16. Nouëb.
Indus apud
Tepegua-
nos. 1616.
Ætat. 35.
Societ. 18.
B. P.

Dæmon.

Cvliacanæ in Hispania noua claris natalibus, & beneficâ erga Societatem stirpe ortus, ingenio ad omnem literariam disciplinam, & ad Ecclesiastæ dotes ac munus prompto Societatem ornauit. Beatissimam Virginem precibus variè coluit; sed imitatione potissimum virginitatis, & humilitatis. Mater illius, pia, & locuples vidua, vnâ cum nepte, sanctimonialibus se adiunxit. Apud Tepeguanos dum pro re Christiana satageret, contra illum, & socios, ac religionem denique Christianam, barbaros illos concitauit homo veneficus: cuius verbis efficacitatem addidit ad spectabilis palam dæmon, tristia illis minatus omnia, ni venefico illi parent. Ergo P. Fernandus humi profligatus, & in pectore lanceâ confossus est; aliis barbaris interea exprobran-

tibus, dicentibusque: Itane peracta iam vobis videntur omnia cum vestro illo carmine: *Pater noster, Ave MARIA?* Videbimus quomodo Deus ille quem prædicant hunc suum mortuum suscitabit. P. Ferdinandus cum olim, tunc adhuc puer, videret matrem suam occupatam in scrinio paruulo præparando, vt in illo P. Gundisalui Tapię in odium fidei tunc cæsi caput reconderet, dixit: Nimis angustus est loculus iste pro illo capite. Serua hoc scrinium capiti meo, Mater: nam & ego sic cædar. P. Franciscus Arista Missionis Superior, persanctè testatus est, Patrem Ferdinandum illicdè ab obitu sibi conspectum pallidum, specie mortuali; mirantique sibi, ac perenti ecquid cum illo ageretur, mox vultu hilari respondisse: *Benè, feliciter! In Calo bona omnia mihi abundè sunt: in Deo omnia bona possideo: nec quicquam aliud mihi desiderandum est* Et videri desisse. Matri quoque illius, Mexici venerabili specie vir de Societate quispiam

M. M m 3

per

Fides.

Mors.

Calum.